

# MEHLOLO EA JESO

JESO o tsoetsoe ka mohlolo ke 'me' feela ho se ntate a ba a etsa mehlolo e meng e mengata ka matla ao a afiloeng ke Molimo.

Jeso (khotso e be le eena) o buile e le lesea a sireletsa 'me' oa hae liqosong tsa bohlola. Qur'an e ea bolela hore Jeso o ile a tsosa bafu, a folisa balepera le lifofu, 'me tsena tsohle o li entse ka thato le tumello ea Molimo.

Taba ea hore Jeso o entse mehlolo, ha e bolele hore ke ho hong ha ese mohlanka ea ikokobetsang oa Molimo. Ebile, Barumuoa ba bangata ba entse mehlolo, ho kenyelletsa Nooe, Moshe le Muhammad (khotso e be le bona kaofela) 'me mehlolo ena e etsahetse feela ka tumello ea Allah e le ho netefatsa Borumua ba bona.

## MOLAETSA OA JESO

BaProfeta ba Testamente ea Khale joaloka Abrahama, Nooe le Jonase ha ba ka ba ruta batho hore Molimo ke karolo ea boraro, ebile ha ba ka ba lumela ho Jeso e le mopholosi oa bona. Molaetsa oa bona o ne o le bonolo: MOLIMO O MONG 'ME KE EENA FEELA EA LOKELOANG KE HO KHUMAMELOA. Ha ho nepahale hore Molimo a romele BaProfeta lilemo tse likete-kete ka molaetsa o t'soanang e be khabareng O sa o fetola a re ke karolo ea boraro, ebe O se a bile a qolla ho lumela ho Jeso e le Molimo e le hona ho ka pholosang motho.

'Nete ke hore, Jeso o rutile molaetsa o ts'oanang hantle le oa BaProfeta bohole ba Testamente ea Khale. Hona le moo ho ngoliloeng ka har'a Bebele se hlakisang molaetsa oa motheo. Monna e mong a tla 'me a botsa Jeso, "Molao oa pele ho melao eohle ke ofe na? Jeso a mo arab, a re: Molao oa pele ho melao eohle ke o reng: Utloa, Israele; Morena, Molimo oa rona ke Morena a 'notsi," (Mareka 12:28-29) ka hoo, molao o moholo ka ho fetisisa, o boholokoahaholo ho ea ka Jeso, ke hore MOLIMO O 'NOTSI. Ha e nee ba Jeso ke eena Molimo a ka be a itse, 'Ke 'na Molimo, nkhummameleng.' empa ke eo a hopotsa batho temana e hlahang Testamenteng ea khale e tiisang hore Molimo O 'Notsi.

Sena se tsamaellana hantle le molaetsa oa Jeso ka moo o leng ka teng ho latela thuto ea Islam, moo Jeso a rongoetsoeng ho Bana ba Israele ho tiisa molaetsa oa BaProfeta ba ttileng pele ho eena - TUMELO HO MOLIMO OA NNTE A 'NOTSI.

Joaloka Morumua oa Molimo, Jeso o ikokobeletse ka boithaopo ho litaelo tsa Molimo. Ka hoo ene e le Le-Muslim, e leng se bolelang mang kapa mang ea ikokobetsang thatong le litaelong tsa Molimo O matla ohle."(Jeso a re:)... Ruri Allah ke Mong'a ka le Mong'a Iona, kahoo, mokhumameleng (a 'notsi) . Sena ke eona tsela e nepahetseng. | Qur'an 43:64

## JESO HO LATELA ISLAM

- Jeso e ne e le MoProfeta ea hlomphehang ea rongoiloeng ke Molimo ho bitsesa batho borapeling ba Molimo a 'Notsi. Tsena li hlahella ka har'a Bebele li netefatsoa ke Qur'an. Tumelo ea Islam e hlaka ho qaqa hore na Jeso ke mang, ebile e hlakisa tumelo ea 'nete ka Molimo le boholo ba hae bo phethahetseng.

- Re u mema ho batlisisa ka botebo u be u ithute likateng tsa Islam. Islam ha se engoe feela ea li tumelo. Ke molaetsa oona o phatlalalitsoeng ke Nooe, Abrahama, Moshe, Jeso le Muhammad (khotso e be le bona kaofela). Lentsoe Islam le bolela 'boikokobetso ho Molimo' 'me ke tsela e feletseng e bileng e phethahetseng ea bophelo e khothaletsang motho ho tsepamisa maikutlo a hae kamanong ea hae le Molimo O matla ohle le libopua tsa hae. Islam e ruta hore Molimo O Toka ebile O Mohau ka ho fetisisa, ha A hloke ho ints'a sehlabelo ho ts'oarela batho libe ebile ha ho motho ea "tsoetsoeng sebeng". Molimo ea Matla ohle O ahlolohole ho latela liketso tsa bona, 'me mang le mang o tla kotula seo a se jetseng.

- Islam e re ruta ho rata le ho hlompha BaProfeta bohole ba 'Mopi, empa ho ba rata le ho ba hlompha ha ho bolele hore re ba khumamele hobane khumamelon e etsetsoa 'Mopi feela. Ho amohela Jeso e le MoProfeta oa Molimo e be motho e ba le-Muslim ke ho khutlela lithutong tsa Jeso tsa mathomo tsa 'nete.

### For more Islamic materials

Live chat and more: [www.islammassage.org](http://www.islammassage.org)  
Many Islamic videos online: [www.thedeenshow.com](http://www.thedeenshow.com)  
Free Islamic online books: [www.islamic-invitation.com/](http://www.islamic-invitation.com/)  
Who is Muhammad : [www.rasoulallah.net](http://www.rasoulallah.net)

# JESO

## MOPOROFETA OA MOLIMO

## MA-MUSLIM



## A RATA JESO

E FETOLETSOE KE :  
**M.H.I MAKANA**

Contact: +26657385793



Discover Islam

[www.islammassage.org](http://www.islammassage.org)

[info@islammassage.org](mailto:info@islammassage.org)

Not for Sale

عيسى بنى الله

باللغة الميسوتو

بتصریح جمیع الجھوٹ الیسلامیہ بالازھر الشریف

# JESO MOPOROFETA OA 'MOPI

Jeso ke motho ea ratoang le ho hlomptjoa ke limilione tsa batho Iefats'eng, le ha hole joalo, ho na le pherekano e ngata e potapotileng boleng ba hae. Ma-Muslim le Bakereste ba mo hlompha haholo le ha ba mo nka ka tsela tse fapaneng.

Bukana ena e tla u hlakisetsa litaba tse potapotileng Jeso: Na Jeso e ne e le Molimo, kapa o ne a romiloe ke Molimo?

Hantle Jeso e ne e le mang?

## "JESO E LE MOLIMO"

Ba bang ba Bakereste ba bolela ha "Jeso e le Molimo" kapa karolo ea "Boraro bo Teroneng" - le hore ke Molimo ka sebele Iefats'eng, le hore Jeso o nkile boleng ba boMolimo. Le ha hole joalo, ho latela Bebele, Jeso o ile a tsoaloa, a ja, a robala, a rapela 'me o ne a sena tsebo e phethahetseng. - tsena tsohle ha li ts'oanele Molimo. Molimo ('Mopi) o phethahetse ha motho a sa phethahala. Ha ho khonahale hore ntho e le ngoe e be ka mekhoa e 'meli e hohlanang.

\*Islam e ruta hore 'Mopi o phethahetse ka hohle-hohle. Ho lumela hore 'Mopi e bile motho ke ho Iekanya hore (ka nako e ngoe) O kile a se phethehe. MoKreste o tlameha a ipotse, na taba e ea molimo eo ka nako e ngoe e kileng ea eba ngoana ea tlhokomelang ea 'ma'e, ea kileng a hloka lijo hore a phele, a hloka lino le ho robala, e ka ba Molimo eena ea hhalositsoeng ka har'a Testamente ea Khale na? Ruri ha ho joalo.

Motho a ka ipotsa, \*"Ha e be 'Mopi ha a sitoe ke letho, ke ho baneng a ka se iketse motho?"\*, 'Mopi ha a etse tse senang boMolimo. 'Mopi ha a ka ke a etsa eng kapa eng e ka mo etsang ho hong ha ese Molimo. Ha e ba 'Mopi e kile ea e ba motho kapa o kile a nka sebopoho sa motho, e ne e ke ke ea ba e ntse e le Molimo.

Li temana tse ling tsa Bebele li ee li sebelisoe ho Ieka ho bonts'a hore Jeso e ka ba ke eena Molimo. Empa ha re ithuta li temana tse hlakileng tsa Bebele, re fumana Jeso a hhalositsoe e le motho eseng ho hong. Bebele e na le li temana tse ngata tseo ho tsona Jeso a bolelang le hona ho bonts'a hore efela eena le Molimo e se ntho e le ngoe. Mohlala:

•Jeso "a oela fats'e ka sefahleho a rapela."(Matheu 26:39) ha e ne e ba Jeso e ne e le Molimo, ke ka lebaka la eng Molimo a ka oelang fats'e ka sefahleho a rapela? Hape ke ha a rapela mang?

• **Bebele e bolela ha Jeso e le MoPorofeta** (Matheu 21:10-11), na Jeso e ka ba Molimo eaba ea e ba MoPorofeta oa Molimo ka nako e le ngoe?

• **Jeso a re, "Ke ea ho ntate, hobane ntate o Moholo ho nna."** (Johanne 14:28)

• Jeso a re, "**Ke nyolohela ho ntate, eleng ntat'a Iona, ho Molimo oa ka eleng Molimo oa Iona.**" (Johanne 20:17) ha eba Jeso e ne e le Molimo, ke ka lebaka la eng a re, "HO Molimo oaka, Molimo oa Iona," ebile o ne a nyolohela ho mang?

Ha e be Jeso e ne e le Molimo, a ka be a boleletse batho seo ka ho hlaka 'me ho ne ho tla ba le temana tse hlakileng tsa Bebele tse bolelang sena; empa re fumana Jeso a etsa ho hong 'me a Iahlela ba morapelang/khumamelang matjoing: "ba nkhumamella le feela." (Matheu 15:9)

## "MOR'A MOLIMO"

BaKreste ba bang ba re Jeso ke mora Molimo. Se se bolela eng hantle? Ruri 'Mopi O thoko haholo le ho ka ba le mora. Batho ba na le bana, likatse li na le malinyane. Hore Molimo o na le ngoana ho bolela eng hantle?

Ha e be re sa nke lentsoe Iena "Mora Molimo" ka tsela eo ba bang ba BaKreste ba le hhalosang ka teng, re ka sheba ka har'a Bebele 'me re tla fumana hore le sebelisitsoe Testamenteng ea khale le hhalosa "motho ea phelang ka bohloeki le ho latela litaeo tsa 'Mopi', har'a mehlala ea batho ba bitsitsoeng joalo re ka hopola Tafita, Solomone le Israele - ha le sebelisoe feela ho Jeso, ho latela Bebele: "...Israele ke mor'a ka oa letsibolo.". Hantle-ntle (ho latela Bebele) mang kapa mang ea etsang hantle o hhalosoa e le 'mor'a' Molimo: "Hobane bohle ba tsamaisoang ke Moea oa Molimo, bona ke bana ba Molimo." (BA-Roma 8:14)

## "NTATE LE MORENA"

Ka tsela e ts'oanang, ha lentsoe 'ntate' le sebelisoe ho bolela Molimo, ha Iea lokela ho utluisisoa ka tsela eo ntate oa motho a leng ka teng. Ke tsela ea ho bolela hore Molimo ke 'Mopi,' Maballi ebile ke ea Matla Ohle. Litemana li ngata haholo bakeng sa rona ho ka utluisisa moeelo oa lentsoe Iena 'ntate', mohlala: "Molimo O mong, e leng Ntat'a bohle." (Ba-Efese 4:6)

Hape Jeso nako ngoe o ne a bitsoa 'morena' ke barutua ba hae. Polelo ena puong ea Bebele, e sebelisoe ho bolela Molimo le batho ba maemong a holimo. Mohlala, Testamenteng e Ncha ea sekherike, lentsoe \_kyrios\_ le sebelisitsoe ho bolela 'morena' le ho bitsa hape mong'a ts'imo ea morara (Matheu 20:8), hape le ha re sheba

bukeng ea Luka 20:42-47.

Libakeng tse ling tsa Bebele, Jeso o bitsoa 'mohlanka' Molimo ke barutua ba hae: "... Molimo oa bo ntat'a rona, o tlolise mohlanka oa oona Jeso." (Liketso 3:13). Ho hlakile hore ha ho sebelisoe Ientsoe 'morena' ho Jeso, ke tsela ea tlhompho (joaloka ha re le sebelisa mehleng ena), ha le mo etse Molimo (kapa karolo ea Molimo).

## JESO: MOPOROFETA

BaJuda ha ba lumele hore Jeso (khotso e be le eena) ke Mesiea. Hona ke ho banana

ho feletseng le BoKreste moo a khumameloa e le Molimo kapa mor'a Molimo. Islam e eme lipakeng 'me e hlompha le ho hlakomela boleng ba Jeso e le MoPorofeta ea matla le Morumua oa Molimo, ebile e le Mesiea, e m p a M a M u s l i m h a a mokhumamele hobane ke 'Mopi feela ea lokeloang ke khumameloa eena ea bopileng Jeso le tsohle tse bonoang le tse sa bonoeng.

*(Jeso) a re: Ka' nete-nete ke mohlanka oa Allah. O mphile sengoloa a nketsa MoPorofeta..."Qur'an 19:30.*

## TSOALO EA MOHLOLO

Ho latela Qur'an, leng'eloi Khabariele o ile a rongoa ho etela moroetsana Maria, 'me la hlaho ho eena ka sebopoho sa monna, la mojoetsa hore o tla emola 'me o tla tsoala mora a sa kopana le monna.

"Leng'eloi la re: 'Na ke mpa feela ke le morumua oa Mong'a hau, ea tlisitseng ho uena (litaba tsa) mpho ea mora ea hlokang koli.

Maria a re: Ke tla ba le ngoana joang ho e s'o be le monna ea nkamang, ebile ke e s'o be bohloleng?

Leng'eloi la re: Ho tla phethahala, Mong'a hau O itse: seo se bobebi ho 'Na. **'Me ke thato ea Rona ho mo etsa e le ts'enolo ho batho le ona mohau o tsoao ho Rona, 'me seo ke ntho e reriloeng.'** (Qur'an 19:19-21)

Ba bang ba re ho tsoaloa ka mohlolo ha Jeso ke bopaki ba bo Molimo ba hae. Le ha ho le joalo, Jeso e se motho oa pele oa ho ba teng Iefats'eng ka ntle ho ntate, MoPorofeta Adama (khotso e be le eena) o ne a sena ntate a sena 'me', Molimo O re: **"Ruri! Papiso ea Jeso kapel'a Allah e ts'oana le'a Adama. O 'mopile ka lerole, eaba O re ho eena, "E ba!" ea ba o ba teng."** (Qur'an 3:59-60)

Ha eba Jeso o khumameloa hobane a sena ntate, Adama o lokeloa ke ho khumameloa le ho feta ka ha a bopiloe ka theko ho batsoali ka bobeli.